

Diamars den Corte Superior:

Joran kier haya libertad mientras cu Fiscal kier pa Kalpoe ta back den prison

ORANJESTAD (AAN): Mañan lo bay bira un dia masha interesante ora cu Corte Superior lo trata di e caso di apelacion cu abogadonan di Joran van der Sloot relaciona cu su prolongacion di detencion pa cu e caso di desaparicion di Natalee Holloway.

Manera ta conoci cu e hoben Joran ta deteni como sospechoso di desaparicion di e mucha muher Mericano. Hopi ta puntra nan mes cu un hoben detenido cu tanto e ta pasando aden durante di interrogacion pisa ainda no a "kraak" (basha abao). Apesar cu segun informe su tata aparentemente a splica Joran y tambe su amigonan Kalpoe, ex-compañero detencionan si no tin culpa no tin caso. Riba esaki posiblemente e lo ta wantando keto bay.

E paso aki si ta asina lo ta hinca investigadornan den un skina y spot cu nan lo tin di busca compila mas evidencia pa mañan esaki worde presenta durante di e sesion den Corte Superior.

Den Corte Superior, ta tres Huez lo tin di kibra cabez revisa tur evidencia riba mesa pa tuma un decision contra di Joran si e ta keda deteni of no.

Por ta bien posible cu tambe lo por worde treci dilanti pa

laga un test psicologico di e detenido y tambe hasta un encuentro cu psiquiatra, pa expertonan saca afor kende e mucha aki ta, su personalidad su actitud y posiblemente por determina si e ta papiando berdad. Asina por check si e por ta

responsable pa su actonan y asina por sigui menciona pero ta laga resto pa e expertonan riba e tereno aki.

Mientras segun informe cu e posibilidad por existi cu pa e caso cu ta tuma lugar mañan dilanti mesa berde fiscal mayor lo tin di presenta

cu entre otro cu resulta di e materialnan cu a worde manda den exterior probando cu tin evidencia pa incrimina Joran y hasta su dos amigonan cu mientras ta den libertad.

E ultimonan tambe fiscal mayor kier mira nan back

den man di Husticia relaciona cu e caso di Natalee.

Manera ta conoci, Huez Comisario a laga e dos rumannan den libertad debi cu no tabata tin suficiente motibonan mas pa sigui detene nan.